

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10), člana 52. stav 1. tačka 2. Zakona o organizaciji organa uprave u Federaciji Bosne i Hercegovine („Službene novine FBiH“, broj: 35/05), a u vezi sa članom 3. i 8. Uredbe o načelima za utvrđivanje unutrašnje organizacije kantonalnih i općinskih organa uprave i upravnih organizacija („Službene novine Zeničko-dobojskog kantona“, broj: 8/06) i članom 4. Uredbe o Uredu premijera Zeničko-dobojskog kantona („Službene novine Zeničko-dobojskog kantona“, broj: 13/06), na prijedlog Ureda premijera Zeničko-dobojskog kantona, Vlada Zeničko-dobojskog kantona, na 36. sjednici, održanoj dana 19.12.2019. godine,  
d o n o s i

## ZAKLJUČAK

**o davanju saglasnosti na Pravilnik o izmjenama i dopunama Pravilnika o unutrašnjoj organizaciji i sistematizaciji radnih mjesta Ureda premijera Zeničko-dobojskog kantona**

### I.

Daje se saglasnost na Pravilnik o izmjenama i dopunama Pravilnika o unutrašnjoj organizaciji i sistematizaciji radnih mjesta Ureda premijera Zeničko-dobojskog kantona, broj: 02-34-2619-2/19 od 12.12.2019. godine.

### II.

Zadužuje se rukovodilac Ureda premijera Zeničko-dobojskog kantona da ovjeri četiri primjerka Pravilnika o izmjenama Pravilnika o unutrašnjoj organizaciji i sistematizaciji radnih mjesta iz tačke I. ovog zaključka, nakon čega će po jedan primjerak dostaviti Sekretarijatu za zakonodavstvo, Ministarstvu za pravosuđe i upravu i Stručnoj službi Vlade, a jedan primjerak ostaje Uredu premijera Zeničko-dobojskog kantona.

### III.

Zaključak stupa na snagu danom donošenja.

Broj: 02-\_\_\_\_\_ /19.

Datum, 19.12.2019. godine

Zenica

**PREMIJER**

*Mirza Ganić*

DOSTAVLJENO:

1x Ured premijera Zeničko-dobojskog kantona,  
1x Stručna služba Vlade Zeničko-dobojskog kantona,  
1x Sekretarijat za zakonodavstvo,  
1x Ministarstvo za pravosuđe i upravu,  
1x a/a.

Na osnovu člana 52. stav 1. tačka 2) Zakona o organizaciji organa uprave u Federaciji Bosne i Hercegovine („Službene novine Federacije Bosne i Hercegovine“, broj: 35/05), člana 8. stav (1) tačka a) Uredbe o načelima za utvrđivanje unutrašnje organizacije kantonalnih i općinskih organa uprave i upravnih organizacija („Službene novine Zeničko-dobojskog kantona“, broj: 8/06) i člana 4. Uredbe o Uredu premijera Zeničko-dobojskog kantona („Službene novine Zeničko-dobojskog kantona“, broj: 13/06), šef Ureda premijera Zeničko-dobojskog kantona, uz saglasnost Vlade Zeničko-dobojskog kantona, d o n o s i

## **P R A V I L N I K**

### **o izmjenama i dopunama Pravilnika o unutrašnjoj organizaciji i sistematizaciji radnih mjesta Ureda premijera Zeničko-dobojskog kantona**

#### **Član 1.**

##### **(Izmjena člana 5.)**

U Pravilniku o unutrašnjoj organizaciji i sistematizaciji radnih mjesta Ureda premijera Zeničko-dobojskog kantona, broj: 02-34-2619-1/18 od 20.02.2018. godine (u daljem tekstu: Pravilnik), u članu 5. stav (3) mijenja se i glasi:

„(3) Posebni uslovi: VII stepen stručne spreme, odnosno visoko obrazovanje prvog ciklusa (koje se vrednuje sa 240 ECTS bodova), drugog ili trećeg ciklusa Bolonjskog sistema studiranja, društvene, humanističke, prirodne, prirodno-matematičke i biotehničke struke, pet godina radnog staža u struci nakon sticanja visokog obrazovanje, položen ispit općeg znanja i poznavanje rada na računaru.“

#### **Član 2.**

##### **(Dopuna člana 6.)**

U članu 6. stav (3) Pravilnika iz riječi „nakon sticanja visokog obrazovanja“ stavlja se interpunkcijski znak „ , “ i dodaju se riječi: „položen ispit općeg znanja“.

#### **Član 3.**

##### **(Dopuna člana 7.)**

U članu 7. stav (3) Pravilnika iz riječi „nakon sticanja visokog obrazovanja“ stavlja se interpunkcijski znak „ , “ i dodaju se riječi: „položen ispit općeg znanja“.

#### **Član 4.**

##### **(Izmjena člana 8.)**

U članu 8. stav (3) Pravilnika riječi: “stručni upravni ispit”, mijenjaju se riječima: “ispit općeg znanja”.

#### **Član 5.**

##### **(Stupanje na snagu)**

Ovaj Pravilnik stupa na snagu danom davanja saglasnosti Vlade Kantona na isti.

Broj: 02-34-2619-2/19.

Datum, 12.12.2019.godine

Zenica

**ŠEF UREDA**

*Zahida Šišić*

Na ovaj pravilnik data je saglasnost Vlade Zeničko-dobojskog kantona, Zaključkom broj: 02-34-\_\_\_\_\_/19 od \_\_. \_\_. 2019. godine.

**SEKRETAR  
PO OVLAŠTENJU**

*Haris Hrgić*

## ***O b r a z l o ž e n j e***

### ***Pravni osnov***

Za donošenje izmjene i dopuna Pravilnika o unutrašnjoj organizaciji Ureda premijera Zeničko-dobojskog kantona, pravni osnov je sadržan u članu 52. stav 1. tačka 2) Zakona o organizaciji organa uprave u Federaciji Bosne i Hercegovine (“Službene novine Federacije Bosne i Hercegovine”, broj: 35/05), članu 8. stav (1) tačka a) Uredbe o načelima za utvrđivanje unutrašnje organizacije kantonalnih i općinskih organa uprave i upravnih organizacija (“Službene novine Zeničko-dobojskog kantona”, broj: 8/06) te članu 4. Uredbe o Uredu premijera Zeničko-dobojskog kantona (“Službene novine Zeničko-dobojskog kantona”, broj: 13/06).

### ***Razlozi za donošenje***

Izmjena i dopune Pravilnika o unutrašnjoj organizaciji Ureda premijera Zeničko-dobojskog kantona, s predlažu zbog usklađivanja istog prema pripadnosti fakulteta nučnim oblastima i člana 22c. Zakona o državnoj službi u Federaciji Bosne Hercegovine („Službene novine Federacije Bosne i Hercegovine“, broj: 29/03, 23/04, 39/04, 54/04, 67/05, 8/06 i 4/12).

### ***Finansijska sredstva***

Donošenje i primjena ovog Pravilnika o izmjeni i dopunama Pravilnika o unutrašnjoj organizaciji Ureda premijera Zeničko-dobojskog kantona, neće uzrokovati povećanje sredstava za plaće i naknade zaposlenih u Uredu, s obzirom da se radi o usklađivanjima sa propisima, odnosno ne radi se o povećanju broja ili promjeni statusa zaposlenih.

**ŠEF UREDA**

***Zahida Šišić***